

**JAMHURI YA MUUNGANO WA TANZANIA**  
**WIZARA YA ELIMU, SAYANSI NA TEKNOLOJIA**

SIMU: 027-2756366

FAX: 027-2756521

E-mail: marangutc@moe.go.tz

Unapojibu tafadhali taja:



Chuo Cha Ualimu Marangu,  
S.L.P. 266,  
MARANGU,  
KILIMANJARO.

Kumb.Na.MTC/MKV/03/VOL.IV/51

15 Agosti, 2024

Ndugu .....  
S.L. P .....  
.....

**YAH: KUCHAGULIWA KUJIUNGA NA MAFUNZO YA UALIMU KWA  
MWAKA WA MASOMO 2024-2025 KATIKA CHUO CHA UALIMU MARANGU**

**1. (a) Utangulizi**

Uongozi na jumuiya yote ya Chuo Cha Ualimu Marangu wanakupongeza kwa kuchaguliwa kujiunga na Mafunzo ya Ualimu katika Chuo hiki. Hongera sana! Chuo hiki kinaendesha mafunzo ya Ualimu ya **Stashahada ya Ualimu wa Elimu ya Msingi** kwa **wahitimu wa kidato cha sita**, na walimu ambao **walishahitim** **Astashahada ya Ualimu wa Elimu ya Msingi**. Ni tunu kuchaguliwa kusomea taaluma hii, ambayo ni taaluma mama ya taaluma nyingine zote. Itumie vema tunu hiyo ili katika kipindi chako cha mafunzo uweze kujijengea maarifa, stadi, na mwelekeo wa kutosha kukidhi mahitaji ya mwalimu bora mintarafu viwango vya sasa na baadaye katika ngazi ya kitaifa na kimataifa kwa ujumla.

Mafunzo haya ni ya miaka miwili. Wanachuo watakaokuwa wamechaguliwa kujiunga na mafunzo ya ualimu kwa mwaka huu wa masomo, 2024-2025,

wanatakiwa kuripoti chuoni tarehe 09-09-2024; na mwisho wa kuripoti itakuwa ni tarehe 16-09-2024.

**b) Mahali Chuo Kilipo na Usafiri wa Kukufikisha Chuoni:**

Chuo hiki kipo katika Mkoa wa Kilimanjaro, Wilaya ya Moshi Vijijini, eneo la Marangu, umbali wa kilometra moja kutoka stendi ya mabasi Marangu Mtoni katika barabara kuu ya kuelekea Rombo na pacha ya kwenda Kinapa (Kilimanjaro National Park). Kuna usafiri wa mabasi (daladala) kutoka Moshi Mjini ambayo pia yanapita njiapanda itokayo Dar-es-salaam; mahali ambapo wale watokao njia ya Dar es Salaam wanawenza kuteremkia na kupanda mabasi ya kuja Marangu moja kwa moja bila kufika Moshi Mjini. Mahali pa kuteremkia panaitwa Njia Panda ya Himo. Mabasi yanayoweza kukufikisha chuoni ni yale yaendayo Marangu Mtoni, Mwika na Kilema. Ukipanda ya Marangu Mtoni na Mwika teremkia Marangu Mtoni. Ukipanda ya Kilema teremkia kwenye lango la kuingilia (getini) chuoni, Chuo cha Ualimu Marangu. Kwa wale wanatokea Dar-es-salaam au Dodoma, mabasi yanayoweza kukufikisha chuoni ni yale yaendayo Rombo. Ukipanda mabasi hayo teremkia Marangu Mtoni.

**c) Dira na Moto wa Chuo**

- Dhima ya Chuo: Kuandaa walimu bora watakaohimili ushindani wa soko la ajira kwa kutumia mbinu bora na za kisasa za ufundishaji.
- Dira: Kuwa kituo cha kutoa walimu mahiri katika viwango vyta kitalifa na kimataifa.
- Moto wa Chuo: Elimu ni Kazi.

**2: Mahitaji Kwaajili ya Usajili**

**a) Vyeti na Hati za Utambulisho:**

Ili uweze kusajiliwa unatakiwa uje na vyeti **halisi** (Original) halali vifuatavyo:-

- i. Vyeti vyta Taaluma (Academic Certificates) vyta kidato cha Nne (IV) na Sita (VI); Astashahada ya Ualimu (Ualimu Daraja A) au Hati ya Matokeo (Result Slip) kwa ambao vyeti vyao havijatolewa na Baraza la

Mitihani la Tanzania. Kama umefanya mitihani zaidi ya mara moja, uje na vyeti vyote.

- ii. Vyeti vya kuhitim (Leaving certificates) vya shule uliyosomea.
  - iii. Cheti cha kuzaliwa (Birth certificate)
  - iv. Hati yoyote ya ziada inayoweza kusaidia kukutambulisha na kuthibitisha uhalali wako na uhalali wa umiliki wa nyaraka zako za kitaaluma na kitaalamu.
  - v. Barua ya ruhusa ya mwajiri kwa walioajiriwa.
- b) **Ada:** Ada ya mafunzo kwa mwaka ni shilingi **450,000/=**. Unaweza kulipa yote au ukalipa shilingi **225,000/=** kwa muhula. Kabla ya kufanya malipo ya fedha hizi wasilianana na watendaji wa ofisi ya usajili ili upewe namba ya kufanyia malipo (control number) ya fedha hiyo. Namba za watendaji wa Ofisi ya Usajili ni (1) Dkt. Joyce Mchilo 0712238491, 0769355291 (2). James Kitalala 0683162801, 0757159365 (3). Febronia Kereti 0764715733, 0785438318.
- c) **Michango:** Mbali na ada kila mwombaji wa mafunzo aliyechaguliwa ili asajiliwe anatakiwa kulipa michango ifuatayo:

Na	MCHANGO	KIASI	UFAFANUZI
1.	Serikali ya Wanachuo	5,000.00	Kwa Mwaka
2.	Huduma ya Kwanza	10,000.00	Kwa Mwaka
3.	Usafi na Mazingira	20,000.00	Kwa Mwaka
4.	Kukodisha Godoro	10,000.00	Kwa Mwaka
5.	Usajili na Kitambulisho	20,000.00	Mara Moja
6.	Michezo	30,000.00	Kwa Mwaka
7.	Ulinzi	30,000.00	Kwa Mwaka
8.	Ukarabati wa Miundo Mbinu	25,000.00	Kwa Mwaka
9.	Bima ya Afya	50,400.00	Kwa Mwaka
10.	T.Shirt	16, 000.00	Mara Moja.
	Jumla	216, 400.00	

Aidha, malipo ya michango yote, kuanzia namba 1 mpaka 10 hapo juu, yalipwe kwenye Benki ya NMB, A/C no. **40301100014**: Jina la akaunti **Marangu Teachers'**

**College Education Development.** Malipo haya yanatakiwa kufanyika mara moja unapoanza chuo.

**N.B.** Kwa malipo yote ya ada na michango utakayofanya benki au kwa wakala hakikisha una hati ya kuingizia pesa hizo (bank pay in slip) ambayo utakuja nayo chuoni ili upewe risiti ya malipo uliyoyafanya. Pia ni muhimu sana kwa mzazi au mwanachuo mwenyewe anayefanya malipo, kuhakikisha kuwa hati hiyo ya kuwekea pesa (pay in slip) imeandikwa jina la mwanachuo anayelifanyiwa malipo.

**d) Sare**

- 1. Sare ya Chuo: Wasichana:** Jozi mbili: Shati la mikono mirefu rangi ya bluu bahari (light blue), Suti ya koti la mikono mirefu na sketi, vya rangi ya dark blue. Sketi iwe ya mshono wa suti yenye pindo moja tu mbele, urefu wa kutosha (iwe ya heshima isiyo ya kubana) na tai ya dark blue inayofanana na suti. Kitambaa cheusi cha kichwani (Hijab Nyeusi) Kwa Waislamu.
- 2. Sare ya Chuo: Wanaume:** Jozi mbili: Shati la mikono mirefu rangi ya bluu bahari (light blue), suti ya koti la mikono mirefu, tai rangi ya “dark blue” inayofanana na suti pamoja na suruali vya rangi ya dark blue”. Suruali iwe na luksi kwaajili ya kufungia mkanda, marinda mawili kila upande. Pia iwe na mifuko miwili pembeni na mfuko mmoja nyuma wenye kifungo. Chini iwe na upana kati ya inchi 16 na 18; na urefu wa kutosha kufikia viatu.
- 3. Sare ya Chuo: Wote: T. Shirt Yenye Nembo ya Chuo.** Kila Mwanachuo atakayesajiliwa atatakiwa kulipia shilingi 18,000.00 kwaajili ya sare ya T-shirt Itakayotolewa chuoni.
- 4. Sare ya Chuo: Wote: Viatu:** Viatu vyeusi vya ngozi vya kufunika miguu, visiwe na visigino virefu, jozi mbili, soksi nyeupe kwa wasichana na bluu/nyeusii kwa wanaume.

**N.B:** Utatakiwa kuvaa sare ya chuo na mavazi **NADHIFU** na ya **HESHIMA** yatakayoendana na maadili ya Ualimu wakati wote. Sare ya chuo isiwe ya **mtumba**. Utaratibu wa kuvaa T-Shirt yenye nembo ya chuo kama sare utatolewa chuoni.

**Tanbihi:** Kama unapata shida ya kubainisha rangi na mshono halisi, nguo hizi unaweza ukashona katika maeneo ya karibu na chuo baada ya kufika chuoni.

e) **Mavazi ya Michezo:** - (i) **Wahitimu wa Kidato Cha 6:** Track suit rangi ya bluu / dark blue (ii). **Wahitimu wa Astashahada ya Ualimu:** Track suit rangi ya kijivu. (iii) Raba nyeusi/bluu kwa wote; wahitimu wa kidato cha 6 na Astashahada ya Ualimu.

f) **Mahitaji ya Nguo kwa ajili ya Malazi:** Shuka mbili rangi ya light blue wanaume, pink wanawake, bed cover nyeupe, mto na foronya, chandarua ya kuzuia mbu, blanket, sweta ya shingo ndefu -pullneck ya rangi nyeusi au darkblue (matumizi wakati wa baridi); Marangu kuna baridi. Pia utatakiwa kuwa na pazia kubwa zito la rangi nyeupe lenye upana wa mita mbili na nusu kwa ajili ya dirisha la chumba utakachokuwa unalala.

### **3. Mahitaji ya Taaluma:**

- Daftari zisizopungua 12 aina ya 'counter book' za 2 'quires,'
- Kalamu za kuandikia,
- Mafaili ya kuhifadhia kumbukumbu mbalimbali za kitaaluma,
- Bunda moja ya Karatasi za Photocopy A-4.

### **4. Afya:**

- (a) Ili uweze kukubaliwa kusomea Mafunzo ya Ualimu unahitajika kupimwa afya yako na kuthibitishwa na Daktari wa Serikali kwa kujaza fomu (Request for Medical Examination) iliyoambatanishwa ambayo utakuja nayo chuoni. Hakikisha kuwa fomu hiyo imepigwa muhuri wa Ofisi ya Daktari wa Hospitali ya Serikali.
- (b) Kwa kupitia Mchango wa Matibabu utakaota unapojiunga, na baadaye kila mwaka, Chuo kitatoa huduma ya kwanza katika zahanati ya chuo.

(c) Kupitia mchango wa Bima endapo utahitaji huduma ya zaidi ya Huduma ya kwanza inayotolewa Chuoni; utaenda kupata matibabu nje ya chuo. Kama una kadi ya bima ya afya uje nayo.

### **5. Mahitaji Mengine.**

Mahitaji mengine madogomadogo kama vifaa vyaa usafi binafsi, vyombo vyaa chakula na kadhalika utajinunulia mwenyewe ufikapo chuoni baada ya kupewa maelekezo. Hakikisha una fedha za kutosha kukidhi mahitaji yako binafsi.

### **6. Kanuni na Taratibu Nyingine.**

Ufikapo chuoni utapewa kanuni na taratibu zinazoongoza mwenendo na mahitaji ya mafunzo ya ualimu. Miongozo hiyo ya kanuni, taratibu na sheria za chuo imewekwa ili kuhakikisha kuwa viwango vyaa utendaji kitaaluma na mwenendo wa mwanachuo kwa ujumla vinakidhi vigezo vyaa mafunzo ya ualimu. Kwa ujumla wake taratibu na kanuni za Mafunzo ya Ualimu haziruhusu unywaji wa pombe, ulevi wa aina yoyote ile na tabia zote zisizo za kimaadili. Baada ya kusoma kanuni na sheria za chuo utapewa fomu ya kujaza ili kuridhia kabla ya kusajiliwa. Kujisajili maana yake ni kuridhia kuzifuata wakati wote utakapokuwa chuoni.

### **7. Mawasiliano:**

Endapo utakwama na kuhitaji msaada au ufanuzi zaidi wasiliana na watendaji wafuataao wa Ofisi ya Usajili .

- (1) Dkt. Joyce Mchilo 0769355291; 0712238491. (2) James Kitalala 0683162801; 0757159365 (3). Febronia Kereti 0785438318; 0764715733.

Aidha taarifa zote muhimu zinazomhusu mwanachuo anapokuwa chuoni mfano maafa, msiba, ugonjwa toka nyumbani **lazima zipitie kwa Mkuu wa Chuo na siyo** kwa mwanachuo moja kwa moja. Wazazi/Walezi/Ndugu/ Waajiri wanapaswa kuzingatia utaratibu huu wa mawasiliano kwa ajili ya usalama na uratibu wa masuala ya wanachuo.

**8. Mwisho:**

Kumbuka kuwa siku zote mwalimu anapaswa kuwa mfano bora wa kuigwa kwa mazuri na wanafunzi wake na jamii kwa ujumla. Kwa hiyo kila mwanachuo anatazamiwa awe na tabia nzuri na **mwenendo unaoakisi maadili ya ki-ualimu** wakati wote wa mafunzo yake na baada ya mafunzo hayo.

**TUNAKUTAKIA MAANDALIZI MEMA YA KUJA CHUONI.**

**KARIBU SANA CHUO CHA UALIMU MARANGU.**



Dkt. CHAMBULILA, C.D

MKUU WA CHUO

MKUU WA CHUO  
MKUU NGU CHUO CHA UALIMU  
MOSHI

**GOVERNMENT OF TANZANIA**  
**REQUEST FOR MEDICAL EXAMINATION**



From: The Principal,  
MaranguTeachers'College,  
P.O. Box 266,  
**MARANGU.**

**PART A**

To the Medical Officer.

.....  
REF: MR/MRS/MISS .....

**(Name in full)**

Please examine the above named as to his/her physical and mental fitness for a full time teacher training course. The examination should include the following categories (I-III). Each category of which will render the applicant in-eligible in case of a defect. Pregnancy (category IV) will also render a girl candidate in eligible for the course, including category V:

- I. (a) Eye Sight
- (b) Hearing
- (c) Speech
- (d) Limbs
- (e) Venereal Disease
- (f) Leprosy
- (g) Peptic Ulcers
- (h) Epilepsy
- (i) Tuberculosis
- II. Neuroses
- III. Other Serious Diseases
- IV. Pregnancy
- V. Mental and Physical Fitness

**PART B: MEDICAL CERTIFICATE**

I have examined the above named and consider that he/she is physical fit/un fit for a full time teacher training course.

- 1. (a) Eye Sight ..... (f) Leprosy .....
  - (b) Hearing ..... (g) Peptic Ulcers .....
  - (c) Speech ..... (h) Epilepsy .....
  - (d) Limbs ..... (i) Tuberculosis .....
  - (e) Venereal Disease .....
  - II. Neuroses .....
  - III. Other Serious Diseases .....
  - IV. Pregnancy .....
  - V. Mental and Physical Fitness .....
- Date ..... Signature and official stamp .....

Station ..... Designation .....